

Am. g. tab. 6.  
100. 70

x

59.













Il faut que l'on sache  
Détourner les vices des Rois  
Ains l'honneur des Français  
Et par là leur donner  
Un tel honneur  
Qu'ils soient connus  
Tous les Héros  
Et la puissance  
Et comme des son jeune âge  
Il a vaincu les dangers  
Au milieu des étrangers  
Il prospère d'un autre  
Heureux aux Peuples étrangers  
Non moins du aux Français  
Quelle est sa gloire  
Porte en tous lieux les Français  
C'est tout ce qu'il faut  
Et victoire les plus braves  
Sont dignes d'être connus  
Leur gloire se montre

A. M. L. A. M. L.

# Magnificentissimj

SPECTACVLI, A REGINA  
Regum Matre in hortis suburbanis editi,

*In HENRICI Regis Poloniae invictissimi  
nuper renunciati gratulationem,*

DESCRIPTIO.

*vocat*  
Io. Aurato Poeta Regio Autore.



PARISIIS.

Ex Officina Federici Morelli Typographi Regij.

M. D. LXXIII.

CVM PRIVILEGIO REGIS.

avec les  
cahier Cest  
qui précèdent



REGIBVS INVICTISSIMIS FRAT-  
tribus, & Regina Regum matri sacrum.

PALLADI CON-  
SVLTRICI.

Pacis & armorum studiis licet  
altera Pallas  
Et dici Gallis, & mereare  
coli,  
Ipnuba Triptolemmum Pallas  
tamen edidit unum,  
At tu tres, Pallas Gallica,  
Triptolemos.

APOLLINI VI-  
CTORI.

Dux debellasti rudibus Pytho-  
na sagittis  
Pene puer: laurus cingit &  
inde comas.  
Nunc cape post arcum citha-  
ram, Rex lecte Polonis:  
Dignus Apollinea nervus  
vterque manu.



Servantis populos, cuius servantis & olim,  
Si Iouis atque Ducis premia Queris erat:

Qui tot servasti populos, vel pace vel armis,  
Querna decent trines, CAROLE, festa tuos.



DIALOGVS AD NVMEROS  
MVSICOS ORLANDI.

Interloquuntur Gallia, Pax & Prosperitas.

GALLIA.

*Vnde recens reditus Pax Prosperitasque Sorores?*

PAX ET PROSPERITAS.

*Mittimur à Superis Gallia chara tibi.*

GALLIA.

*Quæ vos caussa meas iussit noua visere gentes,  
A quibus arma annos vos pepulere decem?*

PAX ET PROSPERITAS.

*Carolus & fratrum concordia fida duorum,  
Et Catharina tribus fratribus alma parens.  
Auctor Iustitiæ, Pietatis & ille colenda  
Carolus, & meritis notus ad astra suis.*

GALLIA.

*Lectus an Henricus Rex frater & inde Polonis?*

PAX ET PROSPERITAS.

*Henricus sua Rex ob pia facta nouus.  
Quo duce semper lata fuit victoria Gallis,  
Quo victor semper Rege Polonus erit.*

GALL. PAX ET PROSP.

*Carolus ô felix, felixque Henricus, & ille  
Franciscus, noua quem tertia regna manent.  
Funiculus triplex, vis rumpi nescia, neuit  
Aurea quem Parcis ex adamante colus.*

A ij

AD LECTOREM.

*Quæ Regi Henrico dederit spectacula mater,  
Sceptra Polonorum post data ritè manu.  
Gallica & Andegavis quæ Nympha verba lo-  
quantur,  
Quæ socia dederint munera quæque, leges.  
Munera cuncta suis ad verum expressa figuris,  
Atque emblematis singula nota suis.  
Omnia cognoscet qui ludis absuit illis,  
Multa recognoscet quisquis & adfuerit.  
Nunc spectator erit cui tunc spectare negatum est,  
Nil turbam metuens, nilque satellitium.*

IO. AVRATVS.





# DE MAGNIFICENTISSIMO

SPECTACULO AB AVGVSTISSIMA

Regina Regum matre exhibito inter suburba-  
nas epulas, Regi Poloniae, & Polonorum  
illustribus Legatis, apparatus,

ELEGIA.



*R*cquis agris arces, palatia miscuit hortis?  
Regia quis sylvis atria pomiferis?  
Vnde recens tectum virides subiere co-  
lumnae?

*Vnde rudis sculptum sylva lacunar agit?  
Non mortalis opus struit haec monimenta laboris:  
Numen inest aliquod, quod struit ista, locis.  
Fallor? an hic Nympha est hortis florentibus orta,  
Semper & hinc flores, florida semper amat?  
Non fallor, diua hic CATHARINA parénsque  
Deorum,*

*Diua Deum Cybele mater amica trium.  
Primi, qui Jovis instar habens sua tela trifulca  
CAROLVS, ut prima Juppiter arce sedet.  
Cui novus HENRICVS Rex ecce Polonius haeret,  
Qualis Neptunus proximus usque Jovi.*

*A iij*

*Tertius & Reges est accessurus ad ambos  
FRANCISCVS, cui sors tertia Ditis erit.  
Nec Regina soror funo tot fratribus una:  
Sed tamen ante alias MARGARIS una nitet.  
Quæ tot diua deos, diuas peperitque sorores,  
Hoc plus quàm humane condidit artis opus.  
Struxit & antè locis miracula talia multis:  
Dum celebrat thalamos, CAROLE none, tuos.  
At nunc festa nouo præbens conuiuia Regi,  
Quem Regem elegit Sarmatis ora sibi.  
Sarmatis, inde quod est sata Marte vocata, sed  
auo  
Perdidit antiquum litera versa sonum.  
Huius Martigenæ gentis venientibus ultrò  
Legatis, Regi concelebransque dapes,  
Regia frondiferis cœnacula iussit in hortis  
Vt fierent: subitum, nec mora, creuit opus.  
Qualis inexpliciti non error erat Labyrinthi,  
Sed qualis Pelei Pelion ad thalamos.  
Huc quoque cum Superis totus migravit Olym-  
pus,  
Ipse locus si non alter Olympus erat.*



# MONTIS NYMPHARVM

## DESCRPTIO.

*Mons ibi quatuor in tabulata argentea surgens,  
Sex & viginti creuit adusque pedes.  
Tenditur in spatium basis huic pede latius uno,  
Flectit & ad summum coclea curua gradus.  
Culmen inest apici: sunt per decliua sedes:  
Quales Diis poluit Mulciber arte domos.  
Octo, suntq; decem sedes, quasi triplice nidi  
Ordine, & à summo crescit in ima modus.  
Quot sedes, totidem per quæque sedilia Nymphae,  
Quæ totidem comites sunt Catharina tue.  
Quæ totidem tibi sunt latissima Gallia gentes,  
Quæ spatium regni tenditur usque tui.  
Totus & argento, totus contextus, & auro,  
Seu mons, seu rupes illa vocanda, micat.  
Mille super concha, reptantum mille figura:  
Quas varius mira pinxit ab arte color.  
Gallia ceu princeps sedet alta cacumine summo,  
Tota auro, & gemmis splendida tota suis.  
Sed quid ego aspicio portentum mobile montis?  
Ambulat, & quò se Dux iubet, arte mouet.  
Dux facit ad nutum parentia saxa moueri,  
Ceu Dæmon aliquis, nomen & inde tenet.  
Nunc procul hinc Thracis cantoris ficta faceffat*

*Fabula: nam verus mons mouet ecce gradus.  
Ambulat, & sua iam flectit vestigia rupes:  
Iam Maiestatum os vertit ad ora suum.  
Non vertit frustra: sed cantatura videtur  
Nescio quid summa Gallia rupe sedens.  
Regum, Reginaq; simul praconia dicet  
Carmines: sit iam pax auribus, ecce canit.*





## NYMPHA GALLICA.

**G**ALLIA ego en adsum Celestū  
maxima natus  
Filia, cui Celi tanta indulgentia  
fauit,  
Ut non sit regio in terris, siue ube-  
re gleba,

Seu virtute virū, qua se mihi comparet vlla,  
Qua populis opibusq; potens, tot in ordine Reges  
Insignes pietate, insignes fortibus armis  
Sorte tuli: Magnum Clodouæum qui sacra Christi  
Instituit Gallis: Et te quoque nomine Magnum  
Carole, labentis qui religionis honores  
Restituens, rerum rexisti primus habenas.  
Hesperijs atque Arctois Rex gentibus idem.  
Et nunc ecce iterum rerum diuisa potestas  
Unicum in Imperium, fatis poscentibus ultro,  
Jam redit, unius si non, per sceptrum duorum,  
Regem unum quos esse putes, concordia tanta est,  
Tantus amor fratrum: quorum tibi Carole seruit  
Vesper, at Henricum Polus & sua nunc vocat  
Arctos.



Atque ita iam fatale illud, terrisque regendis  
Sorte datum nomen, te, CAROLE, Rege, tuoque  
Fratre, iterum magna mundum ditione tenebit.  
Atque suum utraque gens proavum, proavitque facta,  
Lata recognoscet rediuvina in utroque nepote.  
At tibi tantorum Regina puerpera Regum,  
Quantos non Cybele, Latona nec ipsa creavit,  
Tres Cybele fratres, fratres Latona gemellos:  
Magna quidem partus, sed alendi gratia maior  
Debetur. tua iam teneros à patre relictos  
Sedula servavit vigil & custodia contra  
Titanum insidias, manifestaque bella gigantum.  
Tu quoque iam teneris exempla domestica Regum  
Propones, adhibensque graves ad honesta magistros  
Fecisti, ut properata suos praeccederet annos  
Virtus, per subitoseque gradus ad summa veniret.  
Omnibus indigenis mirum quod, & omnibus esset  
Externis, populos quae movit fama remotos  
Rege suo amisso sibi nuper ab indole tali  
Henricum legere, atque ultrò in sua regna vocare.  
Pro quo ego successu, si non tibi pectore toto  
Atque tuis grater populis, non invida latis  
Tantum, sed videar magnorum Henrice laborum  
Immemor, assiduo quos pro me Marte tulisti  
Tot bellis, & tot per singula bella trophæis,  
Per quae Gallorum tollit se gloria celo.

*Sed*



*Sed quantò maiora tibi præconia laudum  
Debeo, adhac tantò minor est reddenda facultas:  
Virtutum sic exuperat laus magna tuarum  
Vires ingenij, vires & carminis omnes.  
Nam quis sufficiat digno percurrere cantu,  
Quanta sit HENRICO generosi gratia vultus?  
Quis decor, & quanta iuuenili in corpore vires?  
Quanta sit ingenij solertia? quantus in armis  
Usus? quàm fœlix pugnas euentus in omnes?  
Quantâque victori clementia? sanguinis usus  
Quàm parcus? quàm firma fides in fœdera pacis?  
Denique quàm nihil eximio nisi principe dignum,  
Aut agat, aut dicat? quæ cuncta referre modestæ  
Ipso sit præsentè pudor. quod nec graue cuiquam,  
Inuidia nec sit mihi prodere: certa voluntas  
Certâque cura Deum vos hoc accire, Poloni,  
Impulit HENRICI nomen fatale VALESI.  
In quo certa fides inuersis ex elementis  
Ominis efficitur nobis vobisque secundi,  
LAVREVS HVICENSIS: fuit & iam lau-  
reus ensis  
Sæpius hic Gallis: vobis iam restat & ipsis  
Idem laureus, & sit (ut auguror) aureus olim,  
Aurea qui referat vestris Rex secula terris.  
Est igitur vobis quod gratuler, est quod & ipsi:  
Ipso, cui talem sua non fortuna coronam,*

Sed tot clarorum Procerum sententia prudens  
Imposuit: vobis, nostri quibus huius alumni  
Principis expertique, & agendis rebus adulti,  
Percipiendus erit maturis fructus in annis:  
At desiderium mihi solum triste relictum est,  
Quæ genui, quæque eduxi tantum ad decus aui.  
Sic seritur gnauo iam sera ætate colono  
Arbor ab alterius carpenda nepotibus olim.  
Non tamen inuideo, pietas vetat: et mea damna  
Solatur fructus, quem iam crescentibus annis  
Præcepi. Vos ergo illum, vos omine lato  
Accipite: & longos fœlicius usque per annos  
Macti este HENRICO fœlici Rege fruentes.  
Quod mecum testantur & hæc per festa sorores  
Gaudia, consensuq; probant fremituq; secundo.  
Quinetiam lætos ad publica gaudia cantus  
Edere mens fuerat, nisi iam cantare paratis  
Præclusisset iter vocis dolor: hoc quia tanto  
Principe sit nobis hinc discedente carendum,  
Cuius erat cunctis præsentia amabile lumen.

N R M P H A





## NYMPHA ANDEGAUIS.



*s* T ego Nympha mei semper Ducis  
unica cura

Andegavis, tua quem pietas mihi  
CAROLE quondam,

Et fraternus amor praefecit, turba  
Sororum


Cetera cum taceat, loquar ipsa ex omnibus una:  
Non quia sim magis his temeraria, sed quia lator,  
Lator ego ante alias Ducis è successibus amplis,  
Quem video proavis Ducibus non esse minorem.  
Nam mihi Lodoicus de sanguine cretus eodem  
Dux erat: & patriis pro finibus arma ferebat:  
Cum subito lati praeunntia fama fauoris  
Aduolat, ipsum ultro moderanda ad sceptrum Poloni  
Acciri Imperij, fatisque in regna vocari.  
Nunc eadem fortuna Ducem de sanguine eodem  
HENRICVM insequitur: nec avis noua fata ne-  
potum

Degenerant: sed par virtus, par gloria rerum  
Gestarum ad similem proavis accersit honorem.

B. iij.



*Quem precor euentum Regiqꝫ ipsiqꝫ Polonis  
Auspiciis tantorum operum, famaꝫ futura  
Rebus ab egregijs tali sub rege gerendis,  
Inque dies magis, inque dies Deus vsque secundet:  
Atque nouis semper successibus augeat ambos.*



*AD GALLIAM, ODE.*

**R**OE CVNDA prolis Gallia Regia  
Fratres habebat tres triplici manu  
Regale sceptrum ferre dignos,  
Gallia si tria regna haberet.

*Soles sed orbis non recipit duos,  
Nec præter unum Gallia CAROLVM.*

*Ergo nouis quærenda sedes  
Imperijs fuerat duorum,  
Ne Regna Regum deficerent genus:  
Et tanta nullam materiam sibi  
Sortita virtus, otioso  
Tabida concideret veterno.*

*Quod res gubernans prouida Gallicas  
Mens cum benigni prospiceret Dei:*

*Non*



*Non Galliam diuisit in tres,  
Sed tria regna tribus parauit.  
Primúmque Regnum CAROLVS obtinet:  
Cui prima natus gloria maximo.*

*HENRICE, nunc sceptrum secundum  
Ecce tibi venit à Polonis.*

*At tertium te tertia sors manet  
FRANCISCE, solus qui superest locus  
Fatis: penes ternos ut orbis  
Maxima sint tria regna fratres.  
Grates Deo nunc gens age Gallica:  
Cuius secundo numine tu tria  
Concordium per regna fratrum  
Imperio potiere mundi.*


**IO. AVRATVS POETA REGIVS.**







## CHOREA NYMPHARVM.



ALFUIT, cecinit quod Siren Gallica,  
carmen:

Altera nam Siren Gallica Nym-  
pha fuit.

Carminе finito nunc incipit ecce Cho-  
reas

Nympharum ad certos grex agitare modos.  
Et sua testatur numeroſo gaudia geſtu,  
Henrico lecto quæ modo Rege, capit.  
Nunc veluti totidem Reginas ire putares,  
Quot Nymphas: lenta ſic gravitate decent.  
Nunc veluti totidem Delphinas in orbe natantes  
Ludere: tam facili mobilitate micant.  
Mille breues curſus iterant & mille recurſus:  
Mille fugas miſcent, mille pedumque moras.  
Nunc hærent ut apes manibus per mutua nexis,  
Nunc in acumen eunt ut ſine voce grues.  
Nunc aliis alia tranſuerſis nexibus hærent  
Implicitis ſepes qualis ab arte rubis.

Nunc hāc, nunc illam, variant per plana figuram:  
Descripsit plures nulla tabella notas.  
Non Euclideanæ quæ pingit pulvere metas,  
Quāue fugax celeri calculus hoste perit.  
Non Labyrinthi tot erant curuamina tecti:  
Non Meandrea sic sinuantur aquæ.  
Esse putes ludum, quo Phryx gaudebat Jūlus,  
Dum simulat fictis prælia vera modis.  
Sic nunc in frontem, nunc in latus agmina ducunt:  
Sic nunc incurrunt, nunc fugiuntque leues.  
Sed iam composita veluti post prælia turma  
Incedunt, Regum præter & ora meant.  
Dumque meant sua quæq; ferunt Regalia dona.  
Aurea, quæ spectans scutula parua putes.  
Et sua cuique super scuto calata figura  
Nescio quod latum Regibus omen habet.

CATALOG.



# CATALOGVS NYMPHARVM

Et Dona Prouinciarum.

## NYMPHA PROVINCIAE.

I.

*Prima sed ecce venit, cui Nympha Prouincia no-  
men,*

*Inq, manu, regio quam creat, arbor inest.*

*Arbor inest duplex, myrtusque & punica malus:*

*Altior inter & has citria virga viret.*

*Inter se geminae nexus per mutua frondis*

*Concordem Regum signat amicitiam.*

*Tertia quæ geminis supereminet, innuit illos*

*Quod sua victores ducet ad astra fides.*



# NYMPHA ALLO-

BROGIS.

II.

*Ecce subit, placidam dextra qua gestat, oliuam*

*Allobrogis terra splendor oliuifera.*

*Hæc, Henrice, tibi, per quem sunt otia Gallis*

*Præter spem populis reddita, dona facit.*

*Conuenit auctori pacis pacalis oliua:*

*Munera qua fecit, muneris auctor habet.*



N. CANTABR.



# NYMPHA CAN-

TABRIS.

III.

*Cantabris hanc sequitur Balena succina portans.*

*Monstra, mari regio proxima monstrifero.*

*Suavis odor gemma suaves quod fundet odores.*

*Henrico pontus praterente docet.*



C ij

NYMPHA AQUI-  
TANICA.

IIII

*Huic ab Aquitanis comes it pulcherrima terris,  
Armata acies per sua dona ferens.  
Scilicet hoc quia sint duce Rege futura per orbem  
Cuncta secuturis peruia militibus.*



N. ARMORIC.



NYMPHA AR-  
MORICA.

V.

*Armoris inde venit, quæ conuenientia Marti  
Armigero armigerum munera portat equum.  
Placat equo Persis radiis Hyperiona cinctum:  
Donat equo Martem Martia terra nouum.*



N. Pict.

NYMPHA PI-  
CTONIS.

VI.

*Hinc examen apum fert Pictonis ecce, vetusto  
Alueo ut emigrans alueum adusque novum.  
Nempe novas hoc gens quæret duce bellica terras:  
Et dignas sedes huic sua fata dabunt.*



N. TYRON.



# NYMPHA TV-

RONIS.

VII.

*Hæc Turonis sequitur Morum promunere gestās  
Vermiculis Morum pabula lanificis.*

*Serica fert viridis sicut subtegmina Morus.*

*Sic ætas viridis sceptrā decúsque Duci.*



D

NYMPHA LI-  
GERIS.

VIII.

*Diues Amalthea non cornu Nympha capella,  
Nympha gerit Ligeris, sed nucis omne genus.  
Vistula & hoc donum Ligeris dat amicus amico:  
Dux cuius gratam Rex bibiturus aquam est.*



N. NEVSTR.




# NYMPHA NEV-

STRIA.

IX.

*Quæ sequitur validis fert vela tumentia ventis,  
Et faciles optat Nympha per alta vias.  
Neptunumq; rogat terris ut grande Polonis  
Depositum reddat cum Duce tot comites.*



# NYMPHA BEL-

GICA.

X.

*Belgica fert densas, aptum sibi munus, aristas,  
Quaque tenet spicas fert & aratra manu.  
Hac per signa monens, quò fructus usque laborem  
Excipiant, fructus ut labor excipiat.*



N. SEQUAN.



# NYMPHA SE-

QUANIS.

XI.

*Turrita comes his it Sequanis ecce corona,  
Nympha tot egregiis urbibus una parens.  
Fraternas dicens servasti sæpius urbes:  
Nunc urbes serva Marte Poloniacas.*



D iij

NYMPHA CAM-  
PANIAE.

XII.

*Proxima subsequitur latis Campania campis:  
Inq̃ manu vigilem fert sua dona canem.  
Signum quod commissa vigil tutabitur arua  
Hostiles contra quaslibet insidias.*



N. SENON.



# NYMPHA SE-

NONIS.

XIII.

*Uuifer immanis Tigris est quòd vincula palmæ  
Quem donum præfert Senonis ipsa manu,  
Admonet ut sua sint virtuti præmia digna:  
Dignaque sit vitiis pœna parata suis.*



N. METIC.

*NYMPHA ME-*  
*TICA.*

*XIIII.*

*Vistula cum charo sociatur amica Mosella:*  
*Nympha nouū munus quod sibi Metis habet.*  
*Cui super incumbens solido riget ære corona:*  
*Sic simul inuictos monstret ut esse duos.*



*N. LVGD.*



# NYMPHALV-

G DVNIS.

XV.

*Lugdunis Rhodanum fert Nympha comisque  
ferocem*

*Et barba : innitens pulchra superque Araris ,  
Indicat à leni non lenia corda domari ,  
Et plus posse feris viribus obsequium .*



E

NYMPHA DEL-  
PHINAS.

XVI.

*Nomine quo dicam quæ argenti aurique fodinas  
Fert manu, & Allobrogum est proxima limi-  
tibus?*

*An quia sedula mens mala mentis operta recludit,  
Et suis obscuris redditur arte nitor?*



*Singula*




*Singula iam Nympha sua donauere ferentes  
Munera, dum Regis lumina præter eunt.  
Quin etiam venit en cantare paratior una  
Nympharum Andegauis, claudat ut una  
chorum.  
Dulce canet quiddam: se Regia vertit ad ora:  
Sed dum Nympha canit, nos tacuisse decet.*

*Carmen Nymphæ Andegauidis inuenies suprà, fol. B.*

*Omniбус affectus licet in contraria duplex  
Letitia hinc animum distrahat, inde dolor.  
Letitiæ tamen ipse dolor concessit, ut ore  
Lato, Regi dent omina leta nouo.  
Scilicet exemplum sibi quæque Prouincia sumit  
Regina è vultu nunc CAT HARINA tuo.  
Quæ pia cùm doleas dimittere mater alumnium:  
Disimulans gemitus, fœmina fortis ouas.  
Publica priuatum vicerunt gaudia luctum:  
Expedit hoc multis, terra quod una gemit.  
Gallia quo caritura Duce est, hunc orbis habebit  
Altera Regem pars, altera, CAROLE, te.  
CAROLVS alter ut est Atlas: HENRICVS  
Et alter  
Sic erit Alcides, qui ferat orbis onus.*

*Sunt igitur tanti sua sunt dispendia Gallis,  
Vt Regi plaudant ad noua festa nouo.  
Plaudite vos Galli nunc Regibus atque Poloni  
Fratribus: & Matri plaudite, qua peperit.*





## SCENAE DESCRIPTIO.



UNC quoque sit mihi fas scene  
describere vultum,

Quo Mons, & viridis, quo fuit  
Aula situ.

Aula virens trabibus solis spectabat  
ad ortum,

Vnde gerens Nymphas mons subiturus erat.

Hunc ceu Silenus, Satyro comitante quaterno,

Manerius, quò vult, Dedalus alter agit.

Illius ad nutus gradiens argenteus aulam

Mons lustrat, Nymphas mōstrat iensq<sup>ue</sup> suas.

Donec ad extrema tabulatum constitit aula:

Regis ad occasum quatorus altus erat.

Regis Gallorum & Fratris, Regisque Poloni,

Regina sedes quaque utriusque fuit.

Regina qua non fœcundior altera Regum,

Regina qua non pulchrior vlla nurus.

Regia qua veluti Iuno Jovis ad latus harens

Fulgebat roseis ELISABETA genis.

Proxima Principibus Gallis, mixtisque Polonis

Cesserunt: circum nobile vulgus erat.

F




*Mons stetit hic, caneret dum Gallica Nympha:  
relictis*

*Sedibus hinc Nymphae profiliere suis.  
Quas descendentes cochleae versatilis orbe  
Area dispositas sex capit atque decem.  
Quatuor in medio: tres angulus ipse quaternus  
Accipit: alternas sic variantque vices.  
Et chorus est bicolor roseo croceoque remixtus,  
Parque color nunquam iungitur ipse pari.  
Altera forma triplex fuit angulus ille choreae:  
Mutato species quo manet una loco.  
Tertius orbiculus media cruce vertitur usque:  
Et manet alternans, quo fuit ante, situ.  
Est ubi sex nymphas duplex habet orbis utrinque,  
Quos in rectum ambos nymphea quaterna li-  
gat.  
Sed quis tam varias saltandi expresserit artes,  
Quas Belloioius mille Choragus habet?  
Quod solum potuit, pictis Baptista tabellis  
Expressit primam, cetera carmen habet.*

*A D*






AD LECTOREM.

**N** tibi per geminas Montémque Au-  
lámque tabellas,  
Vnam de geminis tu tamen esse puta.  
Finge gradi Montem, Nymphas ad ple-  
ctra moueri,  
Et iam spectator, nec modò lector eris.  
Sed dum tanta Aula tenuem spectaueris umbrā,  
Aulam te magni finge videre Jouis.













AD HENRICVM SERENISS. REGEM  
POLONIAE, DE EIVS IN VRBEM  
Parisiiorum ingressu.

*REGIA Parisiam cùm traducenda per urbem,  
Rex HENRICE foret pompa Polone tibi:  
Anxia nunc pluuiis, nunc contrà læta serenis  
Tota dies currus est remorata tuos.  
Scilicet affectus, varium quem Gallia sensit,  
Aëris in varias transiit vsque vices.  
Gallia læta tuis tunc cùm successibus ibat:  
Visa fauens Gallis lætior ire dies.  
Gallia discessu cùm mæsta gemebat euntis,  
De populi lachrymis aëris imber iit:  
Hos inter dubios plausus, luctûsque peracta  
Lux tenebris tristis lætitiâque nitens,  
Distulit in seram spectacula Regia noctem:  
Sed nox spectaclis nil nocitura fuit.  
Lux, HENRICE, tuo quæ tunc veniebat ab ore,  
Ipsa tuis pompis sol fuit, ipsa dies.*

DE



DE HENRICI REGIS POLONIÆ IN-  
VICTISS. PROFECTIONE  
ODE ALLEGORICA.

*HEROES sumus, & Deum*

*Omnes semidei genus:*

*Omnes tendimus ad polum*

*Nostra Pallade freti.*

*Alter Tiphys, & alter hic*

*Author carminis Orpheus:*

*Hic vis Herculis altera,*

*Pollux, Castor, Iason.*

*Hoc ductore viarum, & hac*

*Concordi comitum fide:*

*Non est quod timeat ratis*

*Concurrentia saxa.*

*Sed Triton sibi vult quid hic,*

*Portans hospita munera,*

*Non argentea & aurea,*

*Sed donum leue glebam?*

*Omen, fallimur? an latet*

*Paruo munere maximum?*

*Cui cespes datur hic novus,*

*Huic instant nova Regna.*

*En Euphemus adest bona*

*Fama*

*Fama nomen & ominis,  
Qui glebam capit Erricus,  
Regni signa Poloni.*

*Gentis nulla valentior,  
Qua nec viribus altera,  
Nec quæ iustitiam magis  
Artes & colat omnes.*

*Fælix ergo ter Errice,  
Scepbris aucte Polonicis:  
Fælix térque Polonia  
Tali Rege potita.*

*F I N I S.*





















SPECIAL

DC

114.3

C53

1547

88-B

34377

Bound w/

88-B 34681

85-B 3104c.2

85-B 3101c.2

87-B 3940

85-B 2964c.2

88-B 34819

88-B 34820

